

Аще храмъ, или восхощет настоятель, творим бдение.

Блажен муж: На Господи, возвах, поставим стихов, 8.

Стихиры праздника, 3:

1. Стих: Из глубины возвах к Тебе, Господи,/ Господи, услыши глас мой.

2. Стих: Да будут уши Твои/ внимлюще гласу моления моего.

3. Стих: Аще беззакония назириши, Господи, Господи, кто постоит;/ яко у Тебе очищение есть.

И святого, 7. Гласъ 4. Самоподобен:

4. Стих: Имене ради Твоего потерпех Тя, Господи, потерпе душа моя в слово Твое,/ упова душа моя на Господа.

Яко добля в мученицех,/ страсотерпче Геóргие,/ сошѣдшеся днесь, восхва́лим тя, / яко течение совершив, веру соблю́л еси́ / и прият от Бога победы твоея́ венѣц./ Егóже моли от тли и бед избáвитися// верою совершающим всечестную пáмь твою́.

5. Стих: От стражи утренния до нощи, от стражи утренния,/ да уповае Изра́иль на Господа.

Твердым мудровáнием упова́в,/ самохотне дерзну́л еси́,/ я́коже лев, славне, к страда́нию,/ презирая убо тело,/ яко растлетися хотящее,/ о нетленней же души мудре прилежал еси/ и мук многообразными виды разжеглся еси,// яко злато очищено седмерицею, Георгие.

6. Стих: Яко у Господа милость и многое у Него избавление:/ и Той избавит Израиля от всѣх беззаконий его.

За Спаса пострадал еси/ и, смертию смерти вольне, славне, подóбься,/ ца́рствуеши с Ним свѣтло,/ порфирию от крове одеян свѣтлою,/ и скиптром страданий твоих укра́шен,/ и венце́м победы лѣпотствуя/ в непроходимыя вѣки,// великомучениче Геóргие.

7. Стих: Хвалите господа вси языцы,/ похвалите его́ вси людие.

Веры броня́ми,/ и щитом благо́дати,/ и Крестá копием
вооружився,/ сопротивным непобедим был еси, Геóргие,/ и, яко
Божественный храбо́рник,/ демонская ополче́ния победив,/ со
Ангелы лику́еши,/ верныя же заступаеши, и освяща́еши, // и
спасаеши, призыва́емый.

8. Стих: Яко утвердися милость Его на нас,/ и истина Господня
пребывает во век.

Яко звезду многосвѣтлую,/ якоже солнце, сияющее/ на твѣрди
небесной, ты вѣмы,/ и яко бисер многоце́нный,/ яко камень
блиста́ющий,/ яко сы́на ты дне́,/ яко доблественнаго в му́ченицех,/
яко поборника верных в бедах прославля́ем, // совершающе твою
память, победоносче Геóргие.

Слава, глас 6:

Достойно имени пожи́л еси,/ воине Геóргие:/ Крест бо Христов на
ра́мо взѣм,/ от диавольския лести оляденевшую землю добре де́лал
еси/ и, терновное служение искоренив идо́льское,/ православныя
веры лозу насади́л еси/ Темже точиши исцеления во всей вселенней
вѣрным/ и Троицы делатель праведен показáлся еси./ Моли,
молимся, о умирении ми́ра // и спасѣнии ду́ш наших.

И ныне, праздника.

[И ныне: Догматик, глас 6:]

Кто Тебе не ублажит, Пресвятая Де́во;/ кто ли не воспоеет Твоего
Пречи́стаго Рожде́ства;/ безлетно бо от Отца Возсиявый Сын
Единоро́дный,/ Тойже от Тебе, Чистыя, про́йде,/ неизреченно
воплóщся:/ естеством Бо́г сый,/ и естеством быв Человек нас
ра́ди,/ не во двою лицу разделя́емый,/ но во двою естеству неслитно
познава́емый./ Того моли, Чистая, Всеблаженная, // поми́ловатися
душам нашим.

Вход, прокимен дне и чтения:

На литии, стихира храма,

таже самогласны, глас 1:

[Анатолиево] Светлый храборник Георгий/ в славном страдании своем Горняя силы веселит,/ и с ними радуясь ныне,/ и на земли верныя торжествовати воздвиже/ и спраздновати нам, того ради собранным,/ яко Христов раб прииде./ Темже убо его достойно почтим,/ непрестанно молящася всех Богу// даровати нам велию милость.

Доблественными страдании возделав лучшая,/ труды плодов твоих Христу принесл еси,/ преблаженне мучениче Георгие,/ верою желание утвердив,/ надеждою страх отринув,/ любовь стяжал еси небесную, прехвальне./ Дерзновение имея убо, благоприятными мольбами/ проси душам нашим мира,// очищения же грехов и велия милости.

Глас 1:

Приидите, верных собори, / приидите, праздник составим, / ибо пресветлая память днесь явися/ страсотерпца Георгия,/ наша просвещает невидимо сердца,/ добродетельми блистающи./ Темже, единомудренно воспевающе, рцем:/ радуйся, воине великаго Царя Христа;/ радуйся, пресветлая похвало веры;/ радуйся, всесветле и пребогате./ О нас, преблаженне, всех Владыку Христа Бога моли/ сохраненным быти отискушений лукаваго// и спасти души наша.

Слава, глас 5:

[Феофаново] Возсия весна, приидите, насладимся,/ просия Воскресение Христово,/ приидите, возвеселимся,/ страсотерпца память, верныя просвещающи, показася./ Темже, празднолюбцы, приидите, / тайно ту торжествуем: / сей бо, яко добр воин,/ мужествовав на мучителей, и сих посрами,/ подобник быв страсти Спаса Христа/ не помилова сосуда своего брэннаго, / но нага обостри, муками того изменяя./ Тому возопием: страстоносче,// моли спастися душам нашим.